



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Arelatensi Archiepiscopo & sancti Aegidij & Vallis magnae Abbatibus.

urn:nbn:de:hbz:466:1-20006

cundæ præbendæ habita mentione, qui ab illo tempore usque nunc locum in choro & capitulo sicut alij Canonici habuisti, lectiones legisti in Ecclesia, & responsoria cantavisti, ac per prædictum Episcopum tibi fuerunt domus in ipsa canonica nomine Canonici assignatae, quas tu possedit ac possides in quiete. Et cùm iis eadem Ecclesia Terdonensi ex illis Canonicis qui præbendam in ea non possident tu primò institutus fueris & receptus, & nunc vacet beneficium in eadem, humiliiter postulabas à nobis ut Terdonensibus Canonicis dare dignaremur districtius in mandatis quòd vacans beneficium tibi omni dilatione postposita assignarent & facerent pacifica possessione gaudere. Procuratores verò partis alterius è contrario respondebant quòd cùm in Terdonensi Ecclesia certus sit Canonicorum numerus institutus & scriptis Romanorum Pontificum confirmatus, Canonicique constitutionem ipsam observare teneantur præstito juramento, nos ei literis nostris dedimus in mandatis ut dilectum filium B. Subdiaconum & Capellatum nostrum in Canonicum reciperen & in fratrem, eique præbendam sicut uni ex aliis Canonicis assignarent. Verùm quia statutus canonicorum numerus tunc in eadem Ecclesia plenus erat, mandatum nostrum non potuerunt executioni mandare. Post non modicum verò temporis prædictus O. quondam Episcopus persuasionibus, minis, & terroribus institit apud Canonicos Terdonenses ut te reciperen in Canonicum ad præbendam proximò vacaturam, eis constanter promittens quòd eos tam à petitione ciuium Terdonensium quām ab executione mandati apostolici quod ipsi pro ejusdem Subdiaconi nostri receptione reciperen liberaret; siue eos circumveniens fraudulenter, recipi te fecit ad præbendam proximò vacaturam. Cùm autem dilectus filius B. tituli sancti Petri ad vincula Presbyter Cardinalis in Lombardiae partibus legationis officio fungeretur, eundem Subdiaconum nostrum per quendam Clericum suum insti-tui fecit Canonicum Ecclesiae Terdonensis, assignans ei stallum in choro & locum in capitulo, præsente prædicto quondam Episcopo nec faciente de receptione tua aliquam mentionem. Sed prædicti Canonici institutionem de ipso B. factam, licet in publico non ostenderent propter insolentiam laicorum, ratam omnimodis haberunt. Cùmque circa præteritum Pascha dictus quondam Episcopus carnis de-

bitum exoluisset, & Episcopus qui nunc est fuisse subrogatus eidem, qui fuerat Archidiaconus Ecclesiae Terdonensis, præbendam vacantem iudicem Canonici prædicto Subdiacono nostro unanimiter decrevere conferri, sicut in eorum litteris perspeximus contineri, & ipsius procuratores Capituli prædictam præbendam vacantem in nostra sibi præsentia concesserunt. Vnde suppliciter perebatur à nobis ut institutionem tuam, tamquam contra Lateranense Concilium attentaram, penitus irritantes, & absolventes Terdonensem Ecclesiam ab imputatione tua, concessionem eidem Subdiacono nostro factam de præbenda prædicta dignaremur auctoritate apostolica confirmare. Nos igitur ex his quæ fuerunt hinc inde proposita certiores effecti per Cardinalem prædictum, concessionem prædicto Subdiacono nostro à Canonicis prædictis factam de præbenda prædicta de fratum nostrorum consilio ratam habentes, ei auctoritate apostolica duximus confirmandam. Verùm cùm tam assertione tua quām confessione constet partis alterius te in fratrem & Canonicum Terdonensis Ecclesia fuisse receptum, licet receptionem tuam factam contra Lateranense Concilium pars adversa proponat, quia tamen probatum non extitit, parte altera penitus hoc negante, nec ipsi Canonici hoc videbantur tibi opponere posse de jure, qui se fatebantur te contra statuta prædicti Concilij recepisse, sententiando decernimus ut tibi, quām citò se facultas obtulerit, præbendale beneficium in Terdonensi Ecclesia conferatur, cùm ex quo receptus es in Canonicum, non debeas carere præbenda. Volentes autem tecum benignitatem apostolicam exercere, ut non videaris diutius, sicut nec convenit, sine stipendio ecclesiastico militare, provida deliberatione statuimus ut fructus præbendæ prædicti Subdiaconi nostri tamdiu inter te & ipsum æqualiter dividantur donec præbendam tu fueris in Terdonensi Ecclesia consecutus. Datum Laterani v 11. Idus Iulij.

*ARELATENSI ARCHIEPISCOPO
& sancti Egidij & Vallis magnæ
Abbatibus.*

Cum accessissent olim ad apostolicam sedem dilecti filii M. monachus sancti Vvillelmi, qui Hu. quondam Abbatem ipsius loci super reatu perjurij, dilapidatione, ac dissolutione ordinis accusabat, ac

Epi. 71.
De accusatione
adversus
Abbatem S.
Vvillelmi &
depositione
ejus.

W. Ricc. procurator ipsius quondam Abbatis, quia per mutuas assertiones illorum non potuimus elicere veritatem, causam ipsam dilecto filio fratri Raynero tune in partibus illis apostolicae sedis Legato duximus committendam. Sed postmodum de infirmitate ipsius Legati rumore accepto,* ne aliquid de ipso humanitus eveniret, dilectum filium magistrum Petrum de Castronovo Magalonensem Archidiaconom negotio eidem adjunximus. Qui capitulo innitens quod in literis nostris erat insertum, videlicet ut si Legatus interesse non posset, idem Archidiaconus ea nihil minus executioni mandaret, partes ad suam præsentiam convocavit. Coram quo dictus monachus supradicta crimina objecit eidem quondam Abbatii, afferens etiam ipsum commissum simoniacam prævitatem apertè, in cuius testimonium criminis quoddam instrumentum produxit in medium, in quo idem quondam Abbas certe h. Ricc. . . uxorem ejus & infantes ad conversionem pro duobus millibus solidorum Melgoriensis monetæ confiteri videbatur sub caritatis nomine recepisse. Sed cum idem M. haec & multa alia in Abbatem proponeret, & multis modis exciperet contra ipsum, suamque niteretur innocentiam expurgare, dictus Archidiaconus receptis testibus quos pars induxit adversa, in dictum quondam Abbatem suspensionis sententiam promulgavit. Idem vero quondam Abbas veritus ne judex procederet ad depositionem sui ipsius, vocem ad nos appellationis emisit. Ipse nihilominus appellatione contempta, postquam idem quondam Abbas iter arripuit ad sedem apostolicam veniendi, in eum excommunicationis & depositionis sententiam promulgavit. Postmodum autem dictus quondam Abbas ad præsentiam nostram accedens, cum nobis proponeret se a dicto iudice injustè gravatum, & postularet instanter ut quod ab ipso factum fuerat irritum faceremus haberi, supradictus monachus postulabat è contrà quod à nobis obtineret factum Archidiaconi firmatatem. Qui cum concertatione mutua nobis contraria proponerent & diversa, & dilectus filius I. tituli sanctæ Pudentianæ Presbyter Cardinalis eis datum fuisset auditor, coram ipso & dilectis filiis P. tituli sancti Marcelli Presbytero & H. sancti Eustachij Diacono Cardinalibus, quos eidem auditor ad consilium duximus adgendas, aliquandiu litigarunt. Qui visis attestationibus & allegationibus utriusque

Tom. I.

partis, auditisque diligenter & conspectis, quoniam ex attestationibus adversarum partis nihil intelligere potuerunt quod depositionem induceret, licet aliqua quæ continabantur in eis famam ipsius quondam Abbatis in aliquibus denigrarent, vobis, frater Archiepiscopi & filii Abbas Vallis magnæ, & dilecto filio B. de Costa Archidiacono Ruthenensi literis nostris mandavimus ut nisi coram vobis prædictus quondam Abbas sufficienter ostenderet se à crimine simoniaca prævatis super præmissis immunem, depositionis sententiam latam in eum curaretis auctoritate apostolica confirmare, & facheret eidem monasterio de persona idonea in Abbatem regulariter provideri, quod si probaret se forsitan immunem à simoniaca prævitate, prædictam depositionis sententiam revocaretis in irritum, peccatum tamen eidem quondam Abbatii ad correctionem infligeretis secundum disciplinam canonicam & ordinem regularem, suspensionis sententia usque ad purgationem canonicam suo in robore permanente. Vos autem cum juxta mandatum nostrum parati essetis in causa procedere memorata, prædictus M. monachus conjudicem vestrum Archidiaconum Ruthenensem sibi suspectum afferuit, eo quod in causa eadem contra ipsum fuerat Advocatus, postulans ut vos duo in causa cognitione procederetis, vestro coniudice remoto, sic ad nostram audientiam appellavit, cum in literis nostris appellationis non esset remedium interdictum. Post appellationem tamen objectam partes vobis multiplicititer obliterunt ut vos duo pietatis intuitu ejusdem causa cognitionem suscipere curaretis secundum formam commissionis nostræ in omnibus processuri, eo solo excepto quod si eundem quondam Abbatem videretis depositione dignum, latam in eum depositionis sententiam non possetis auctoritate apostolica confirmare, sed nobis curaretis totius negotij seriem per vestras literas intimare; si vero ipsum videretis per sententiam absolvendum, ferendi pro ipso absolutionis sententiam haberetis facultatem. Causa itaque suo tramite decurrente, cum Abbas ipse niteretur se immunem ostendere à labe simoniaca prævatis, & ad assertiōnem suam testes aliquos produxisset, & è contrà pars M. monachi ad improbandos testes ipsius quondam Abbatis produxisset testes alios ex adverso, & multa fuissent hinc inde proposita coram vobis, & compromisissent partes præstito juramento

O O O O ij

se in ipsa causa plures testes minimè producturos, vos auditis rationibus & allegationibus utriusque partis, cùm partes in vos compromississent iterum præstito juramento se juri & mandato vestro per omnia parituros, quoniam eidem eidem quondam Abbati & quieti monasterij credebatis plurimū expedire ut idem quondam Abbas sponte cederet abbatiae, ipso vocato seorsum, ei suggerere ut cederet procurastis. Et quoniam monitis vestris in hac parte acquiescere non curavit, vos in causa ipsa ultrā procedere noluitis, partem utramque cum allegationibus & attestationibus quas recepistis & literis vestris totius cause seriem continentibus ad nostram præsentiam remittentes. Cùmque nos omnibus diligenter inspectis, de fratrum nostrorum consilio causam ipsam parati essemus per sententia calculum terminare, idem quondam Abbas sponte cessit pro bono pacis, usus consilio saniori, & renuntians omni juri quod in eadem abbattia se credebat habere, ipsam in nostris manibus resignavit; cuius cessionem recepimus, præcipientes eidem ut se intromittere de abbattia de cetero minimè attarent. Volentes igitur ipsi monasterio, quod est Romana Ecclesia, paterna providere sollicitudine, ut tenemur, cùm occasione questionis prædictæ sit, ut dicitur, in temporalibus & spiritualibus diminutum, discretioni vestra per apostolica scripta mandamus quatenus ad monasterium ipsum pariter accedentes, cessionem & renuntiationem prædicti quondam Abbatis publicè nuntietis, dantes conventui auctoritate nostra liberam facultatem ut personam idoneam per electionem canonicam cum consilio vestro sibi præficiant in Abbatem, vósque Deum habentes præ oculis tale ipsis detis in hoc consilium quod in examine districti judicis, ubi quisque de factis suis mercedem propriam est recepturus, bonam valeatis ex hoc reddere Domino rationem, & per vestrae sollicitudinis studium status ipsius monasterij, quod multipliciter est dilapsum, valeat auctore Domino reformari. Ei autem qui de consilio vestro electus fuerit in Abbatem, quia ipsius monasterij parcere volumus gravaminibus & expensis, tu, frater Archiepiscopo, sublatu cujuslibet contradictionis & appellationis obstaculo, vice nostra munus benedictionis impendas, & ab eo jumentum pro Ecclesia Romana recipias, quod tibi sub bulla nostra mittimus interclusum. Si verò idem conventus electio-

nem celebrare noluerit, vel malitiosè distulerit, seu eorum vota in electione non potuerint unanimiter concordare, vos nihilominus auctoritate nostra, sublatu appellationis obstaculo, curetis ipsi monasterio de persona idonea providere; cui tu, frater Archiepiscopo, juxta quod prædimus, benedictionis munus impendere non moreris, contradictores, si qui fuerint, vel rebelles appellatione remota per distinctionem ecclesiasticam præmissa motione compescens. Quia verò prædictus quondam Abbas in prosecutione cause suæ multa, ut asserit, jam expendit, pro quibus amicorum suorum bona sunt pignori obligata, & ipse cum eis nihilominus est pro eisdem debitis obligatus, volentes ei, sicut convenit, providere, discretioni vestra per apostolica scripta præcipiendo mandamus ut ei de bonis monasterij antedicti moderatas expensas, quas in prosecutione hujusmodi fecisse dinoscitur, receptis ab eo privilegiis monasterij & sigillo Capituli, restitui sublatu cujuslibet contradictionis & appellationis obstaculo faciatis. Possessiones autem ipsius monasterij alienatas illicite auctoritate apostolica studeatis legitimè revocare, detentores ad restitutionem earum, sicut justum fuerit, ecclesiastica distinctione cogentes. Quod si non omnes &c. tu frater Archiepiscopo cum eorum altero &c. Datum apud monasterium Sublacense VIII. Idus Augusti, anno quinto.

*EPISCOPO, ARCHIDIACONO,
& Preposito Placentino.*

Epist. 73.
De contumacia Clericorum S. Antonini Placentini.

Contumaciam Præpositi & Canonici corum sancti Antonini Placentini iamdiu sumus per indicia eorum rebellionis experti, & ad correctionem inobedientiæ suæ nostrum nuper animum vehementius concitarunt. Licet enim pro dilecto filio T. Clerico canonicando in eadem Ecclesia nostras preces & litteras multoties receperissent, ac mandatum nostrum non fuissent veriti surdis auribus pertransire, tandem tamen vobis, fili Archidiacone & Præposite, nostris dedimus literis in mandatis ut si prædicti præpositus & Canonicus eundem in fratrem & Canonicum non recipieren, vos in eos non postponeretis excommunicationis sententiam promulgare. Sed cùm ipsi perdurantes in contumacia sua, ipsum T. à vobis etiam commoniti recipere non curassent, vos eos juxta tenorem mandati nostri excommunicationis vinculo astrinxistis. Ceterum cùm